

მენეჯერის ემოციური ინტელექტი

DOI:10.36962/ECS107/8-10/2025-69

მაია ყვითელაშვილი

სტუ დოქტორანტი

m.kvitelashvili@greco.services

რეზიუმე

თანამედროვე ბიზნეს სამყაროში, სადაც ტექნოლოგიები სწრაფად ვითარდება, წარმატების განმსაზღვრელი ფაქტორი ხშირად არა მხოლოდ პროფესიული უნარები, არამედ სხვა კომპეტენციებიც ხდება. ერთ-ერთი სწორედ ემოციური ინტელექტია. ბიზნესში ის ეფექტური ლიდერობის, ძლიერი გუნდისა და მდგრადი ზრდის გასაღებია. ემოციური ინტელექტი კრიტიკულად მნიშვნელოვანი ინსტრუმენტია ნდობის შექმნის, კონფლიქტების მართვისა და მაღალი შედეგების მიღწევისათვის. ამიტომ აუცილებელია სწორი გააზრება იმისა, თუ რა არის ემოციური ინტელექტი (EQ), რატომ არის ის ასეთი მნიშვნელოვანი ბიზნესისთვის, როგორ შეუძლია მენეჯერს მისი განვითარება და პრაქტიკაში გამოყენება რეალური უპირატესობების მისაღწევად.

ემოციური ინტელექტი (EQ) არის უნარი, ემოციური ინფორმაციის აღქმის, დამუშავების, მისი მნიშვნელობისა და კავშირების აღმოჩენისა, აგრეთვე ამ მონაცემების გამოყენების ლოგიკის ჩამოსაყალიბებლად, გადაწყვეტილებების მისაღებად და შესაბამისი დასკვნების გასაკეთებლად.

2019 წელს ამერიკის ასოციაციების მმართველთა საზოგადოებამ (ASAE) EQ ხელოვნური ინტელექტის ეპოქის საკვანძო უნარად მოიხსენია. ტექნოლოგიების განვითარებასთან ერთად ტექნიკური კომპეტენციები უნიკალურ უპირატესობას აღარ წარმოადგენს — ხელოვნური ინტელექტს ჩვენს ნაცვლად ფიქრიც შეუძლია, ის ქმნის სტრატეგიებს და აკეთებს მართებულ დასკვნებს შესაბამისი დარგის სპეციალისტებზე სწრაფად. ასეთ პირობებში მენეჯერის კონკურენტუნარიანობას სწორედ ემოციური ინტელექტის დონე განსაზღვრავს.

საკვანძო სიტყვები: ემოციური ინტელექტი, ბიზნესი, მენეჯერი, ფსიქოლოგია, ფილოსოფია...

ძირითადი ტექსტი

ემოციური ინტელექტი — არის უნარი, გაიგო ემოციები და მართო ისინი, ასევე დაამყარო და შეინარჩუნო ურთიერთობები ადამიანებთან, ბიზნესის შემთხვევაში-კოლეგებთან, პარტნიორებთან, მომხმარებლებთან.

ემოციური ინტელექტის კონცეფცია — Emotional Quotient (EQ) — 1990 წელს შემოიტანეს პიტერ სალოვეიმ და ჯონ მაიერმა. მათ დაადგინეს, რომ ადამიანი ვერ ცვლის თავის ემოციებს, მაგრამ შეუძლია აირჩიოს ქმედებები, რომელთაც ემოციების გავლენით ახორციელებს, ანუ მას სძალუძს ცნობიერად მართოს საკუთარი რეაქციები. სწორედ ამ უნარს უწოდებენ ემოციურ ინტელექტს. აღსანიშნავია, რომ მანამდე ედვარდ ტორნდაიკმა ჯერ კიდევ 1920 წელს შესთავაზა საზოგადოებას „სოციალური ინტელექტის“ კონცეფცია. მან განსაზღვრა ის, როგორც უნარი შეიცნო ადამიანები, შეძლო მათთან კომუნიკაცია და გონივრულად ურთიერთქმედება.

თანამედროვე მენეჯერის ემოციური ინტელექტი — ეს არის ინდიკატორი, რომელიც მოიცავს მრავალ სხვადასხვა უნარსა და ნიჭს, რომლებიც გაერთიანებულია რამდენიმე ძირითად ჯგუფში, მათ შორის: თვითშეგნება, თვითკონტროლი, სოციალური მგრძნობელობა და ურთიერთობების მართვის უნარი.

ფსიქოლოგიაში ემოციური ინტელექტის ძირითადად ოთხი ელემენტი განიხილება: თვითშეგნება, თვითკონტროლი, ურთიერთობების მართვა, სოციალური მგრძნობელობა.

პირველი ორი კომპონენტი მიზნად ისახავს განსაზღვროს, რამდენად კარგად ესმით ადამიანებს საკუთარი თავის, რამდენად შეუძლიათ მართონ ემოციები და აკონტროლონ გრძნობები, ანუ ფოკუსი თვითშეგნებასა და თვითკონტროლზეა და არა გარე ფაქტორებზე.

ურთიერთობების მართვა და სოციალური მგრძნობელობა ეხმარება ადამიანს სხვების ემო-

ციების ამოცნობასა და მათზე რეაგირებაში, ურთიერთობებში, შესაბამისად წარმოიქმნება შესაძლებლობა, როგორც რეაქცია, დაამყარო კონტაქტი გარე სამყაროსთან, იმ ადამიანებთან, რომლებიც გამოსცემენ ამ სიგნალებს.

თვითშეგნების და თვითკონტროლის განვითარებით, მენეჯერები სწავლობენ ეფექტურად გამოიყენონ საკუთარი ძლიერი მხარეები და მართონ თავიანთი ემოციები. შედეგად, ისინი მიიწვევენ საერთო დიდი მიზნებისკენ და ინვესტენ ანალოგიურ ენთუზიაზმს თავიანთ გუნდში.

ემოციური ინტელექტის მქონე ლიდერები მუდმივად აანალიზებენ კოლექტივში შიდა მდგომარეობის ცვლილებებს, ამასთანავე ცდილობენ საკუთარი თავის გაგებასა და ემოციური საჭიროებების დაკმაყოფილებასაც.

სტრესი ბიზნესის მართვის განუყოფელი ნაწილია, შესაბამისად მასთან ეფექტური გამკლავებისთვის მენეჯერმა აუცილებლად უნდა გამოიყოს დრო განმარტოვებისა და სილრმისებული ანალიზისთვის - როგორც საკუთარი გრძნობებისა და ემოციების გასააზრებლად, ასევე გუნდის შიგნით, პარტნიორებთან თუ სამიზნე აუდიტორიასთან არსებული მიმართებების ხარისხის, პრობლემების არსში წვდომისთვის. ამ შემთხვევაში ეს შესაძლებელია თვითრეფლექსიით, ღირებულებების ანალიზით, კომუნიკაციით გარე სამყაროსთან.

ემოციური ინტელექტის ძალით, მენეჯერი იძენს უნარს გავლენა მოახდინოს თანამშრომლების მოტივაციაზე, რაც პირდაპირ აისახება არა მხოლოდ კოლექტივში არსებულ ფსიქოლოგიურ კლიმატზე, ის ასევე ხელს უწყობს კორპორატიული კულტურის განვითარებას და შესაბამისად აუმჯობესებს გუნდის შედეგებს.

შესაბამისად, ემოციური ინტელექტი — ეფექტური ლიდერობის განსაზღვრელი ფაქტორია. აქ არ ვაკნინებთ ზოგადი ინტელექტის (IQ) როლს, რომელიც წარმოადგენს ადამიანის გონებრივი განვითარების დონეს. ცხადია, მენეჯერმა უნდა შეძლოს სტრატეგიული განვითარებისა და ბაზრის გამონეგების, სამიზნე აუდიტორიის მოთხოვნილებების “ამოკითხვა” და გაგება, ინფორმაციის ანალიზი, მონაცემების შედარება, შუალედური და დასკვნითი შეჯამების გაკეთება, გადაწყვეტილებების მიღება და კრიზისის მართვა.

ლიდერისთვის ემოციური ინტელექტის მნიშვნელოვანი ასპექტებია როგორც მისი პიროვნული უნარები და თვისებები, საკუთარი ძლიერი მხარეებისა და შესაძლებლობების ზუსტი შეფასება, ასევე სოციალურ კომუნიკაცია, რეაგირება და ურთიერთობების შენარჩუნება.

თვითკონტროლისთვის მნიშვნელოვანია ემოციების შეზღუდვა. მენეჯერმა უნდა შეძლოს იმპულსური ემოციებისა და იმპულსების კონტროლი, ამავდროულად იყოს ღია, გამოხატოს სანდობა და ურთიერთობების, განზრახვების, დამოკიდებულებების გამჭვირვალობა, გულწრფელობა. ასევე მნიშვნელოვანია ადაპტაციის უნარი — გარემოებებზე მორგების შესაძლებლობა, ანუ ადეკვატური, დროული, ზომიერი რეაქცია კონტექსტიდან გამომდინარე, რაც ნიშნავს არა ზოგად დამოკიდებულებას, არამედ თითოეული სიტუაციისა და ადამიანის მიმართ ინდივიდუალურ მიდგომას.

სწორედ სოციალური მგრძნობელობა გულისხმობს თანაგრძნობას, სხვების პოზიციის აღქმას, გააზრებას და მზაობას მოაგვაროს წარმოქმნილი პრობლემები. ბიზნესში მენეჯერს სძალუძს ურთიერთობების მართვა, ის მამოტივირებელია, ანუ ზეგავლენას ახდენს გარშემო მყოფთა ფსიქო-ემოციურ მდგომარეობაზე, თამაშობს მენტორის როლსაც კი, ვინაიდან შეუძლია შთააგონოს თანამშრომლები თვითგანვითარებისკენ, გაყიდვების ზრდისკენ, კორპორატიული კულტურის გაზიარებისკენ და ა.შ.

არაერთმა კვლევამ ცხადყო, რომ რაც უფრო მაღალია მენეჯერის ემოციური ინტელექტის დონე, მით უკეთაა შეფასებული მისი, როგორც ლიდერის ეფექტურობა.

მაღალი EQ-ით უკეთ მართავენ საკუთარ მოტივაციას, ადაპტირდებიან ცვლილებებზე, არიან მეგობრულები კოლექტივთან, შეუძლიათ თავიანთი აზრის დაცვა, სხვების გაგება და უარის თქმაც, ანუ ბიზნესში ერთ-ერთი აუცილებელი თვისების: პრინციპულობის გამოხატვა. ემოციური ინტელექტი ასევე ეხმარება ბიზნესში მყოფ ყველა ადამიანს სტრესისა და პროფესიული გადაღლილობის მართვაში.

მაშასადამე, შეგვიძლია დავასკვნათ, რომ მაღალი ემოციური ინტელექტის მქონე მენეჯერის უპირატესობებია: ის ცნობს საკუთარ ემოციებს და აკონტროლებს ქმედებებს. შეუძლია სტრატეგიულად მნიშვნელოვანი შეთანხმებების მიღწევა და საჭირო შედეგების დადგენა, გააზრებული გადაწყვეტილებების მიღება, მას შეუძლია ემოციური კომფორტის შექმნა კომუნიკაციისას კოლექტივში, პარტნიორებთან, სამიზნე აუდიტორიასთან, ასევე ადამიანების რეაქციების, ქმედებების პროგნოზირება. მას ესმის სხვა ადამიანების გრძნობებისა და ემოციების, მას შესწევს შინაგანი ძალა გაუგოს სხვას, შთააგონოს, დადებითად იმოქმედოს მათ მოტივაციაზე; შედარებით დაბალი ემოციური ინტელექტი გამოიწვევს ემოციების არასწორ აღქმას, არაგონივრულ მართვას და გავლენის, ავტორიტეტის, ნდობის დაკარგვას. ლიდერებს დაბალი EQ-ით უჭირთ საკუთარი ემოციების მართვაც, ისინი ვერ აღიქვამენ სხვების გრძნობებს და ხშირად მოქმედებენ არაგონივრულად, იმპულსურად, წინდაუხედავად მხოლოდ საკუთარ თავზე ან იმწუთიერი ემოციის ზეგავლენით, რაც იწვევს კოლექტივის მოტივაციის დაქვეითებას და პირდაპირ აისახება მათ ბიზნეს საქმიანობის შედეგებზეც.

შესაბამისად, ემოციური ინტელექტი დიდ როლს თამაშობს მენეჯერის მიერ მართულ სამუშაო პროცესებსა და გუნდურ მუშაობაზე:

- მაღალი EQ-ის მქონე ლიდერს ხელი აქვს კოლექტივის პულსზე, უკეთ ესმის კოლეგების, ვარაუდობს მათ რეაქციებს, რაც დააზღვევს გუნდს ზედმეტი სტრესისა და დაძაბულობისგან. ეს ქმნის ფსიქოლოგიურად უსაფრთხო და ჯანსაღ გარემოს, სადაც ადამიანებს არ ეშინიათ აზრების გამოთქმისა და ერთმანეთთან გულწრფელობის.

განვითარებული EQ-ის მქონე ხელმძღვანელებმა იციან, როგორ შთააგონონ გუნდი, როგორ მოაგვარონ კონფლიქტები გონივრულად და არა მათი ჩახშობით, როგორ გასცენ კონსტრუქციული მითითებები, გადაწყვეტილების მიღებისას კი ითვალისწინებენ ადამიანურ ფაქტორს. მოლაპარაკებები, პრეზენტაციები, გასაუბრებები, რთული საკითხების თათბირებზე განხილვა — ყველგან საჭიროა უნარი ამოიკითხო თანამოსაუბრე და სწორად ჩამოაყალიბო და გაუზიარო საკუთარი გზავნილი. EQ ეხმარება მენეჯერს აზრების ნათლად, სხვისი აღქმისთვის გასაგებად და ტაქტიკურად გადმოცემაში, რაც თავიდან აცილებს გაუგებრობებსა და დამატებით სირთულეებს ურთიერთობებში.

მაღალი ემოციური ინტელექტის მენეჯერის საქმიანობას დიდი ზეგავლენა აქვს ბიზნეს-შედეგებზე, კერძოდ კი:

1. სტრესისა და გადაღლილობის შემცირება: თანამშრომლები, რომლებიც ფლობენ ემოციების მართვის უნარს, და ხელმძღვანელები, რომლებიც ქმნიან ფსიქოლოგიურად ჯანსაღ სამუშაო გარემოს, ნაკლებად არიან მიდრეკილნი ქრონიკული სტრესისა და პროფესიული გადაწვისკენ.

2. გუნდური პროდუქტიულობის ზრდა: მაღალი ნდობისა და ურთიერთგაგების დონე გუნდში ამცირებს დროის კარგვას კონფლიქტებსა და ჭორებზე, აჩქარებს და აუმჯობესებს ერთობლივი მუშაობის ხარისხს, თვითმოტივაციასა და პასუხისმგებლობის გრძნობას.

3. კადრების გადინების შემცირება: მაღალი EQ-ის მქონე მენეჯერები უკეთ ახერხებენ კონფლიქტების თავიდან აცილებასა და მათ კონსტრუქციულ გადაწყვეტას, უკეთ ესმით თანამშრომელთა საჭიროებები, რაც ამცირებს მათ სურვილს წავიდნენ სამსახურიდან. თანამშრომლები გრძნობენ თავს დაცულად, დაფასებულად და გაგებულად.

4. შემოქმედებითი ნიჭის, კრეატიულობის გაძლიერება: ფსიქოლოგიურად უსაფრთხო გარემო, სადაც თანამშრომლებს არ ეშინიათ განსხვავებული აზრებისა და არასტანდარტული იდეების გამოთქმის, ხელს უწყობს ინოვაციურ აზროვნებას და შემოქმედებით მიდგომას, შესაბამისად ბიზნესის კონკურენტუნარიანობას.

5. კომუნიკაციის გაუმჯობესება კლიენტებთან: თანამშრომელთა ემპათია და სოციალური უნარები პირდაპირ მოქმედებს კლიენტთა კმაყოფილებაზე, მათ ლოიალობასა და მზადყოფნაზე, კომპანიას რეკომენდაცია გაუწიონ სხვებთან.

შემოაღნიშნულიდან გამომდინარე, ცალსახაა, რომ ემოციური ინტელექტი არის ლიდერის სტრატეგიული კაპიტალი. ის ეხმარება მენეჯერს საკუთარი ემოციებისა და ქმედებების გააზრებასა და კონტროლში, ურთიერთობებში, წინხის გაძლებასა და კრიზისის კონტროლში, გუნდის მართვაში,

ინოვაციების დანერგვასა და გრძელვადიანი ბიზნეს პერსპექტივების სტრატეგიულ დაგეგმვაში.

თანამედროვე ბიზნესში სწორედ ემოციების მართვა ხდება მთავარი კონკურენტული უპირატესობა. განვითარებული EQ ლიდერს აძლევს საშუალებას არ გაიჭედოს სტრესსა და თვითკრიტიკაში, არამედ იმოქმედოს ენერგიის, მოტივაციის, შინაგანი ჰარმონიისა და გარე სამყაროსთან სტაბილურობის მდგომარეობაში.

გამოყენებული ლიტერატურა:

1. Goleman, 1995 Emotional Intelligence: Why It Can Matter More Than IQ
2. Howard Gardner, 1983;
3. D. Mayer & P. Salovey, 1997 Emotional Intelligence;
4. Danielle I. et al., Cognitive and emotional intelligence in young adults with Autism Spectrum Disorder without an accompanying intellectual or language disorder. 2014
5. Эмоциональный интеллект. Российская практика — авторы: С. Шабанов, А. Алёшина; издательство: «Манн, Иванов и Фербер»; год издания: 2022.
6. Эмоциональный интеллект: кто рулит твоими эмоциями — автор: Ирина Анатольевна Рыжкова; издательство: АСТ; год издания: 2023.

REFERENCES:

1. Goleman, 1995 Emotional Intelligence: Why It Can Matter More Than IQ
2. Howard Gardner, 1983;
3. D. Mayer & P. Salovey, 1997 Emotional Intelligence;
4. Danielle I. et al., Cognitive and emotional intelligence in young adults with Autism Spectrum Disorder without an accompanying intellectual or language disorder. 2014
5. Emotional Intelligence. Russian Practice — Authors: S. Shabanov, A. Aleshina; Publisher: Mann, Ivanov, and Ferber; Year of Publication: 2022.
6. Emotional Intelligence: Who Controls Your Emotions — Author: Irina Anatolyevna Ryzhkova; Publisher: AST; Year of Publication: 2023..

MANAGER'S EMOTIONAL INTELLIGENCE

Maia Kvitelashvili

PhD Student of GTU,

m.kvitelashvili@greco.services

In the modern business world, where technologies are rapidly developing, the determining factor for success is often not only professional skills, but also other competencies. One of them is emotional intelligence. In business, it is the key to effective leadership, a strong team and sustainable growth. Emotional intelligence is a critically important tool for building trust, managing conflicts and achieving high results. Therefore, it is necessary to correctly understand what emotional intelligence is, why it is so important for business, and how a manager can develop and apply it in practice to achieve real advantages.

Emotional intelligence is the ability to perceive, process emotional information, discover its meaning and connections, as well as use this data to develop logic, make decisions and draw appropriate conclusions.

In 2019, the American Society of Executive Directors (ASAE) referred to EQ as a key skill for the era of artificial intelligence. With the development of technology, technical competencies are no longer a unique advantage - artificial intelligence can even think for us, it creates strategies and makes correct conclusions faster than specialists in the relevant field. In such conditions, the competitiveness of a manager is determined precisely by the level of emotional intelligence.

Keywords: Emotional Intelligence, Business, Manager, Psychology, Philosophy, Leader, Motivation.